



Недѣла всѣхъ свѣтъхъ

редакция и составление Г. Смирнова

Храм Живоначальной Троицы в Останкино
Подворье Патриарха Московского и Всея Руси.

✠ В Д 1

На Велицей вечерни, по обычном псалме первую кафисму всю.

На Господи воззвах: поставим стихов 10. И поем стихиры воскресны 3: и восточны [анатолиевы] 3: и святых 4.

СТИХИРЫ ВОСКРЕСНЫ, ГЛАС 8:

1. Стих: Изведи из темницы душу мою,/ исповедатися именé Твоёмú.

Вечёрнюю песнь, и словесную слúжбу,/ Тебе Христе приносим:// яко благоволил еси помиловати нас Воскресéнием.

2. Стих: Мене ждут праведницы,/ дондежé въздáси мнé.

Гóсподи, Гóсподи,/ не отвержи нас от Твоегó лицá:// но благоволи помиловати нас Воскресéнием.

3. Стих: Из глубины воззвах к Тебе, Господи,/ Господи, услыши глас мой.

Рáдуйся, Сиóне святы́й,/ máти Церквей, Божие жили́ще,/ ты бо прия́л еси пёрвый,// оставление грехов, Воскресéнием.

4. Стих: Да будут уши Твои/ внимлюще гласу моления моего.

Еже от Бога Отца Сло́во,/ прежде век рождшееся, в последняя же временá,/ Тоежде от Неискусобрачныя воплощёеся вóлею,/ распятие смёртное претерпé:// и древле умерщвленнаго человека спасе Своим Воскресéнием.

5. Стих: Аще беззакония назриши, Господи, Господи, кто постоит;/ яко у Тебе очищение есть.

Еже из мертвых Твое Воскресение славословим Христе,/ имже свободил еси Адамский род от адова мучительства:/ и даровал еси миру/ яко Бог жизнь вечную,// и велию милость.

6. Стих: Имене ради Твоего потерпех Тя, Господи, потерпе душа моя в слово Твое,/ упова душа моя на Господа.

Слава Тебе Христе Спасе,/ Сыне Божий Единородный,/ пригвоздивыйся на Кресте,// и воскресый из гроба тридневен.

ТАЖЕ, СТИХИРЫ ВСЕМ СВЯТЫМ, ГЛАС 6.**ПОДОБЕН: «ВСЮ ОТЛОЖИВШЕ»:**

7. Стих: От стражи утренняя до ночи, от стражи утренняя, / да уповаеет Израиль на Господа.

Духóвнии ветии, / ученицы Спáсовы, / Духу органи бывше двéрою, / разсéяшася в концы́ земли, / честное проповедание православне сéюще: / от нíхже прозябоша божественным земледéлием, / и блáгодатию мученик вóинства, / страсть честную образующа, / многообразными раздроблений рáнами и огнём, // и со дерзновением молятся о душа́х наших.

8. Стих: Яко у Господа милость и многое у Него избавление: / и Той избавит Израиль от всех беззаконий его.

Огнем восплаеми Господни любви, огня презрéша, / и яко божественное углие возжигаемы честнии мученицы во́ Христé, / попали́ша хврастное лести шатáние: / зверей же заградиша уста честным призывáнием, / и во главы́ усекаемы, посекоша врага вся ополчéния, / и кровéй проливающе потоки терпели́вно, // Церковь напоиша верою просвещáему.

9. Стих: Хвалите господа вси языцы, / похвалите его вси людие.

Со зверьми бравшеся, биéми мечём, / ноготьми растерзаемы, руками отъёмлеми, / и мучими твердии мученицы, / и огнем вещественным нещадно пали́ми, / и прободаемы, и составы ссеца́емы, / претерпеша твердейше: упокоение предвидеша будущее, / и нетленные венцы, и славу Христа, // Емуже со дерзновением молятся о душа́х наших.

10. Стих: Яко утвердися милость Его на нас, / и истина Господня пребывает во век.

Во всех концах страдавшия верно апостолы, мученики, священники богомудрыя, честных жен священное стекание, священными песньми по долгу восхвалим, яко соединишася небесным земнии, и страстьми безстрастие благодатию Христовою прияша: и ныне яко звезды светлыя озаряюще нас, со дерзновением молятся о душах наших.